



歲京抄大全三

大政官

太政官
納言
辨
官掌

大臣
參議
史

外記
史生

73
6595
3



73
6595
3

職原鈔引事大全卷之二

後學植木悅集註



太政官

當唐尚書省又號鸞臺

蘭省

○太政官執天下政之處也蘭省本太政官

揆號也近代以七辨高號蘭省官官舍也

唐尚書省通典曰堯設舜於太麓領錄天下事

似其任也周之司會又其職焉鄭康成云司

會若今尚書也漢有尚書臺宋始曰尚書省後

漢書章昭曰尚書尚奉也言奉天子命書天下

政也蘭省出白居易詩本謂太政官今弁官謂蘭省取

握蘭之義書言故事尚書省省取其省察君

身也尚音常○鸞臺者門下省曰黃門省唐高

宗改門下省曰東臺武后改曰鸞臺天寶初又



第...
...
...

日黃門省今按異朝有門下中書尚書三省統天下衆務本朝合門下尚書二省為太政官唐名當官統八省及諸國天下事悉決此官也故云都

省本名乾政官

○都省按漢以僕射總理六尚書謂之都省至唐垂拱中改尚書省曰都省是則都省之號始於漢○本乾政官續日本紀曰天平寶字二年八月是日改官號大政官惣持細紀掌治邦國如天施德生育万物故改為乾政官云醒嶋云乾政官天平寶字二年禪位於皇太子改易官號大政官為乾政官太政大臣曰大師左大臣曰大傳右大臣曰大保大納言御史大夫以下也同八年五月改官名為太政官

太政大臣一人

相當正從一位 相國 太尉 唐名太師

○是三公之長也但左大臣關白唐名大師百官之時者大政大臣著其座下例也表曰太師古官平帝元始元年初置金印紫綬太師位在太傅上愚按太師其始未詳殷紂時有太師少師之名箕子太師比干少師也○相國漢百官表曰相國秦官金印紫綬掌丞天子助理萬機秦有左右丞相高帝即位置一丞相十一年更名相國按秦昭王時以穰侯魏冉為相國是始也漢高祖十一年丞相蕭何始任相國是漢家相國之始也○太尉漢百官表曰太尉秦官金印紫綬掌武事武帝建元二年省元狩四年置大司馬以冠將軍之號宣帝地節三年置大司馬不冠將軍亦無印綬官屬成帝綏和元年初賜大司馬金印紫綬置官屬祿比丞相去將軍哀帝建平二年復夫大司馬印綬官屬冠將軍如故元壽二年復賜大司馬印綬置官屬去將軍位在司徒上有長史秩千石按誤正太尉之太尉者天下兵馬將軍之棟梁也

師範一人儀形四海無其人則闕云故云則闕之
官有德之撰故非其人者常不任之又無職掌之
官也大政大臣行公事希例也

雅實大臣在官時依別勅
內辨叙位除目等被勤之

○職負令曰太政大臣一人師範一人儀形四
海經邦論道變理陰陽無其人則闕注曰謂師
者教人以道者之稱也範者法也儀者善也形
者亦法也四海者九夷八狄七戎六蠻也一人
者天子也人字濁為天子清為凡人唐書曰三師師
範一人儀刑四海又置三公並無其人則闕焉是
則闕出處也言太政大臣天下之棟梁而治否
皆飯此人故擢有德之君子任之若無有德之

人則闕此官也昔之人其貴善擇人可見故此
人無常職掌知天下之政故也書所謂三公論
道經邦變理陰陽官不必備惟其人者是同也
又漢書卷十九九曰記曰三公無官言有其人然
後充之舜之於堯伊尹於湯周公召公於周是
也延喜式曰凡內外諸司所申庶務辨官惣勘
申大政官其史讀申皆依司次若申數事各先
神事申神事史不申內事凡庶務申大政官若
大臣不在者申太納言以上事重者臨時奏裁
自餘准例處分其考選目錄及請印六位以下
位記者中務式部兵部三省不經辨官直申太
政官中務申夏冬時服及式部補文學家令以
下廉杖簡亦直申凡自京官遷在畿內之輩雖
未進本任解由且聽向國凡太政官考選文者
八月一日少納言辨外記史等別當勘鈔成案
畢凡諸司及畿內國司長上考選文者十月
一日進辨官訖同日辨官惣計造目申太政官
云凡諸國考選文及雜公文附朝集使十一月

一日進辨官如諸司儀訖辨官惣計造目申太
政官云凡諸司官人得考並應成選數者中務
式部兵部三省二月十日申太政官云凡式部
兵部二省進成選擬階短冊者各預造簿三月
內入外記惣造奏文請參議以上署四月七日
大臣以下共章奏聞○行公事希例也者公事
公務也三代實錄仁和元年正月朔天皇御太
極殿受朝賀大政大臣行內辨太政大臣儀不
可行內辨是日別有勅行之是權時之事也云
○雅實大臣村上天皇皇子具平親王四代也
曰久我相國是也○內辨萃菴曰禁中有閣門
於閣門內行公事之大臣曰內辨又閣門之外
行公事曰外辨皆大臣之所務也○叙位公事
根源曰正月五日行之其儀大臣以下著左仗
之座而行事次有勸盃之儀近比此事絕次以
藏人召諸卿公卿至射場殿執箱文次第著御
前座關白並執筆因召進圓座執筆奏十年勞
以續紙次第叙位源藤橘之內申文入內一加

階之勤文有之畧之推古天皇御時始定官位
十二階天智天皇十四年正月諸王諸臣賜爵
位此叙位本六日也自天德五年五日行之及
曉天則障七日節會故五日行之主上若執柄
富衰日則六日延引也○除目者有縣召除目
有京官除目縣召者正月十一日行之召外國
之人任官曰縣召也京官者三月三日以前行
之近代秋被行之事見公事根源愚曰雅實大
臣有勅被務叙位除目之內辨者也內辨者掌
行之人也今義解曰衛門所守謂之官門兵衛
所守謂之閣門八省
太極殿南前門中
閣門也見首卷

左大臣一人

相當正從二位

職令左大臣一人掌統理眾務舉持綱
目惣判庶事彈正糾不當者兼得彈之
唐名太傅左丞相左僕射
太傅漢百官表曰古官高后元年初置金印
紫綬後省八年復置後省哀帝元壽二年復

職令左大臣一人掌統理眾務舉持綱目惣判庶事彈正糾不當者兼得彈之

置位有三公之上高后者高祖之皇后也事文
 聚集太傅古官成王即位周公為之○丞相按秦
 武王二年始樽里疾其茂為左右丞相史記注
 丞相也相助也漢百官表曰秦有左右丞相高
 帝即位置一丞相十一年更名相國○左僕射
 漢百官表曰秦官自侍中尚書博士即皆有古
 者重武官有主射以督課之軍屯吏騶宰未恭
 宮人皆有取其領事之號秦始皇時周青為僕
 射應劭曰僕主也射音夜後漢書曰太傅應劭
 漢官儀曰傅者覆也賈生曰天子不踰於先聖
 之德不知君民之道不見禮義之正詩書無宗
 學業不法此太師之責也古者齊太公職之天
 子不惠於庶民不禮於大臣不中於折獄無經
 於百官不哀於喪不敬於祭不戒於齋不信於
 事此太傅之責也古者周公職之天子處位不
 端受業不敬言語不叙音聲不中進退升降不
 以禮俯仰周旋無節此太保之責也古者燕召
 公職之天子燕業反其學左右之習詭其師各

諸侯遇大臣不知文雅之律已語之道簡聞小
 誦不博不習此少師之責也天子居處出入不
 以禮衣服冠帶不以制鄉器列側不以度采服
 從好不以章忿悅不以義與奪不以節此小傅
 之責也天子居處燕私安而易樂而耽飲食不
 時醉飽不節寢起早晏無常玩好器箒無制此
 少保之責也此古天子自輔弼之禮也自為天
 子而賢智維之故能慮無失計舉無過事終身
 得

官中事一向左大臣統領之故云一上關白之人
 為左大臣時右大臣行一上事是依關白與奪也

○官中太政官也言太政官中諸事左大臣統
 領也若左大臣為關白則知天下政故以官中
 庶務讓右大臣也與奪代其職之意也
 家語注曰以賢代賢是謂之奪此也

右大臣一人

相當同左大臣 唐名太保

右丞相 右僕射

○職官令曰右大臣一人掌同左大臣日本紀
 曰孝德天皇大化元年六月十四日天皇即位
 此以阿倍倉橋為左大臣此始也同朝以蘇我
 山田石川麻呂為右大臣此右大臣始也又天
 智十年正月以大友皇子任大政大臣此始也
 ○太保漢百官表曰太師太保皆古官平帝元
 始元年皆初置金印紫綬太師位在太傅上大
 保次太傅○右丞相秦官上詳太保或云太甲時伊
 尹為之○右僕射秦漢太傅太保漢書皆
 皆有僕射無左右僕射作太今本大謬乎
 已上謂之三公本朝謂公者必限三公也但以
 列乎文事文類聚云殷太甲以伊尹為大保紂
 以箕子為太師周成王立師傅保為三公至是
 始有定制秦以丞相御史大夫太尉為三公漢
 哀平間以司馬司徒司空為三公後置師傅保

始尊師傅為上三公後魏獨尊師傅保為三師司馬
 司徒司空為三公

異朝三公者皆則闕之官也為師傅保之職

○書經大全九陳氏傳良曰周召以師保為冢
 宰是卿兼三公也顧命自周召太保奭以下皆
 卿也是時召公為保兼冢宰故伯為司徒彤伯
 為宗伯畢公為司馬皆是以三公兼之衛侯康
 叔為司寇毛公為司空審如是則三公多是六
 卿兼之但其人足以兼公則如其公之職位無
 其人則止為卿而已三公三孤皆無其人則闕
 焉而已而六卿自若也○師傅保書經曰立太
 師太傅太保茲惟三公論道經邦變理陰陽官
 不必備惟其人云賈誼云保者保其身并傳者
 傳之德義師道之教
 訓此所謂三公也

棟梁干諸官壘梅干帝道者也

○棟梁階高孝基有知人之鑑見房玄齡曰異日必為偉器見杜如晦云必任棟梁之重又班固薦謝夷吾誠大僕之棟梁也○鹽梅者和羹必用鹽與梅有風味山谷梅詩所謂古來和鼎實此物登廟廟者是也書說命曰爾惟訓于朕志若作酒醴爾惟麴蘖若作和羹爾惟鹽梅不出于此又范氏曰酒非麴蘖不成羹非鹽梅不和人君雖有美質必得賢人輔導乃能成德

是故三公無所職置六卿令掌天下政

○周世始置六卿周禮天官冢宰地官司徒春官宗伯夏官司馬秋官司寇冬官司空是為六卿各有徒屬按書經有師傅保周禮三公三孤皆不載或三公三孤兼官無正職故不載也書經曰冢宰掌邦治統百官均四海司徒掌邦教敷五典擾兆民宗伯掌邦禮治神人和上下司馬掌邦政統六師平邦國司寇掌邦禁詰姦慝刑暴亂司空掌邦土居四民時地利云是以六

卿治天下政可知陳氏雅言曰公者無私之義書經周官有太師太傅太保少師少傅少保周禮不載之者依燕官也無職掌也又後漢書注賈生曰太師齊太公職之太傅周公職之太保燕召公職之今周禮不載三公三孤皆以為兼官愚曰異朝以六卿掌天下之政以三公統領六卿之事日本者以八省掌天下之政以三公統領八省之事和漢共無職掌者可見

秦漢以來有相國左右丞相之號已知庶政異于

古三公也

○秦世家曰秦武王二年初置丞相樛里疾其茂為左丞相相丞相之號始于此愚按秦始皇以呂不韋為相國漢高祖以蕭何為相國蓋高祖即位置一丞相蕭何任之同十一年更名相國也孝文帝乃以絳侯周勃為右丞相位次第一也陳平為左丞相位次第二也正義曰秦漢

以前右為上左為下晉宋以來左為上也本朝古來以左為上○相國之始者秦昭王時以穰侯魏冉為相國始于此愚按秦漢三公皆以執兵戰為職是異古三公也穰侯為秦將攻魏拔大小六十餘城以此切為相國又相國之後攻魏斬首四萬又漢時韓信為相國擊楚將龍且大破之又韓信為左丞相擊魏主豹大破之此類多皆異古三公者也古者以德治國故政久之政秦漢以干戈治故無善治之名○古三公者周世三公也

三公者象天之三台星也三槐者周世外朝植三槐三公班列其下槐者懷也懷遠人之儀也

○三台史記本紀鄭玄曰風后黃帝之三公也按黃帝仰天置列侯象官以風后配上台天老配中台五聖配下台謂之三公是以三公謂三公之起也書言故事曰元命苞魁下六星兩兩

相比曰三台星注魁下言北斗魁星之下有六星三台者有上台中台下台每台兩星形如雙月故曰兩兩相比登為三級故曰三台史記天官書中宮天極星其一明者太一常居也旁二星三公也正義曰三公三星在北斗魁西並為太尉司徒司空之象○三槐周禮秋冠之下朝士掌建邦外朝之灋左九棘孤卿大夫位焉群士在其後朝之下左右各樹九棘木取其赤心而外刺能禦也右九棘公侯伯子男位焉群吏在其後面三槐三公位焉州長衆庶在其後朝之前樹三槐本取其黃中而養陰也三公位在大夫臣道也故位于左公侯伯子男君道也故位于右三公則論道經邦者也故位于南或問曰又三公與公侯之公同否曰公侯之公者公爵之國也周武王克商封微子為宋公以奉湯祀又仲雍之後周章已為吳君文王之弟魏仲封於魏此等皆周始為公爵之國也至周未

諸侯僭而稱公王者多○外朝按禮記玉藻曰視朝於內朝方氏曰天子諸侯三朝外朝在庫門之外治朝在路門之外內朝在路門之內又曰燕朝○槐懷也韻會曰周禮秋官面三槐註槐之言懷也懷來人於此欲與之謀則音懷者古音又懷遠人者中庸所謂來百土彙遠人註三山陳氏曰商賈賓旅也皆是離家鄉而來須寬恤之此章言三公位貴而不便民許故自下外朝化遠人也

我朝天孫天降給時天兒屋根命津速產靈神天

太玉命高皇產靈神奉天照大神勅為左右之

扶翼如今世左右相歟

○天孫瓊瓊杵尊也按舊事紀始天照太神以吾勝尊欲降臨吾勝尊辭曰以我子速所尊欲

降之于時太神許之速日尊俄而崩依之同母弟天津彥彥火瓊瓊杵尊降臨給云以三十五神供奉之又曰天照大神勅天雅彥曰豐葦原中國是我兒可王之地也然慮有殘賊強暴橫惡之神者故汝先往平之乃賜天鹿兒引及天真鹿兒矢遣之天雅彥受勅來降則多娶國神女子經八年無以報命故天照太神乃召思兼神問其不來之狀時思兼神思而告曰且遣雞問之於是從彼神謀乃使雞往候之其雞飛下居于天雅彥門前湯津杜樹之杪而鳴之曰天雅彥何故八年之間未有復命時有國神號天櫻女見其雞曰鳴聲惡鳥在此樹上可射之天雅彥乃取天神所賜天鹿兒弓天真鹿矢便射之則矢達雉胸遂至天神所處時天神見其矢曰此昔我賜天雅彥之矢也今何故來乃取矢而咒之曰若以惡心射者則天雅彥必當遭害若以平心射者則當無恙因還投之即其矢落下中于天雅彥之胸因以立死此世人所謂

返矢可畏之緣也。云既而天照太神以思兼神
妹万幡豐秋津姬命配正哉吾勝速日天忍穗
耳尊為妃令降之於葦原中。國是時勝速日天
忍穗耳尊立于天浮橋而臨觀之曰彼地未平
矣不須也。願願凶目村之國歟乃更還登具陳
不降之狀故天照太神復遣武甕槌神及經津
主神先行驅除時二神降。到出雲便問大日貴
神曰汝將此國奉天神耶以不對曰吾兒事代
主射鳥邀遊在三津之碕今當問以報之乃遣
使人訪焉對曰天神所求何不奉歟故大日貴
神以其子離報于二神二神乃昇天復命而告
之曰葦原中國皆已平竟時天照太神勅曰若
然者方當降吾兒矣將降問皇孫已生號曰天
津彥彥火瓊瓊杵尊時有災曰欲以此皇孫代
降故天照太神乃賜天津彥彥火瓊瓊杵尊八
坂瓊曲玉及八咫鏡草薙如三神寶物又以中
臣上祖天兒屋命忌部上祖太玉命孫女上祖
天鈿女命鏡作上祖石碓命王作上祖玉屋

命凡五部神使配侍焉。○律速產靈命者月弓
尊四代孫也。又卜部說曰天兒屋命者與台產
靈御子云。○高皇產靈者日本紀曰天照太神
之子正哉吾勝速日天忍穗耳尊娶高皇產
靈尊之女櫛櫛千千姬生天津產產火瓊瓊杵
尊故皇祖高皇產靈尊特鐘憐愛云是也。○扶
翼羽翼也。前漢高祖之太子惠帝召南山四皓
仍輔弼之高祖曰羽翼成則此意也故指大臣
曰羽翼臣也太玉命或作布力主命神皇正統
紀曰至而尊曰尊其次曰命到入代曰天皇號
臣下曰朝臣宿禰舊事紀天照太神亦名大日
靈貴亦天照大日靈尊又大日靈尊愚曰天兒
屋命中臣氏元祖天太玉命齊部氏元祖此二
神天孫降臨之時三公也從是以卜論本朝三
公之次

神武東征之後天下一統二神之孫天種子命天

富命又為左右又上古無大臣號喚執政之人稱

食國政申大夫

○東征按舊事紀曰天孫天津彦彦火瓊瓊杵尊孫磐余彦尊神武也欲取天下興師東征往往逆命者蜂起未伏中州終誅豪雄長髓彦入中州都鄙傍山宮檀原地時神武五十九年也始在日向國此時高皇產靈尊兒天富命率諸齊神部擎天璽鏡劍奉安正殿天兒屋命兒天種子命奏神代古事天神壽祠也○二神者太玉兒屋根也○食國政由大夫者神武二年春二月甲辰朔己巳物部連等祖宇摩志府治命與大神君祖天日方奇日方命並拜為申食國政大夫其天日方奇日方命者皇后之兄也但申食國政大夫者今之大連大臣是矣見舊事紀本

十二代景行御宇初以武內宿禰為棟梁臣

○延喜式曰景行天皇五十一年以武內宿禰為棟梁臣○武內林氏曰日本紀孝元天皇妃伊香色謹命生彦太忍信命彦太忍信生屋主忍男武雄心命景行天皇三年屋主忍男武雄心命詣紀伊國居于阿備柏原娶紀直遠祖菟道彦之女影媛生武內宿禰云孝元帝之子彦太忍信其子武雄心其子武內宿禰也凡武內事六君景行成務仲哀神功應神仁德也其壽殆三百十餘歲仁德七十八年薨今謂高良明神武內宿禰之靈也

成務御宇初號大臣 仲哀朝又以大伴武持號

大連大臣大連相並知政事爾來代代有大臣大連之任

○日本紀成務天皇三年正月以武内宿禰為大臣大臣之號於此而起大臣與天皇同日生之故有異寵焉○延喜式曰仲哀天皇始置大連元年詔大伴建持為大連云仲哀日本武之御子身長一丈

皇極天皇四年乙巳始置左右大臣止大孝德天皇

御宇以中臣鎌子連始為內臣

○日本紀曰孝德天皇即位日以中大兄為皇太子以阿倍內麻呂臣為左大臣藤我倉山田石川麻呂臣為右大臣以大錦冠授中臣鎌子連為內臣增封若干戶云云中臣鎌子連懷至忠之誠擢宰臣之勢處官司之設皇極天皇時藤上故進退廢置計從事立云我臣蝦夷為大臣此時未置左右大臣至孝德御宇始置左右大臣與本書反

天智朝舉為內大臣賜藤原朝臣姓此時其位在

左右大臣上其後此官久絕

○此章伸鎌子連之事天智天皇本紀曰八年冬十月丙午朔乙卯天皇幸藤原內大臣家親問所患而憂悴極甚乃詔曰天道輔仁何乃虛說積善餘慶猶是無微若有所須硬可以聞對日臣既不敏當復何言但其所須宜用輕易生則無務於軍國死則何敢重難云時賢聞而歎曰比之一言竊比於往昔之善言矣大樹將軍之辭賞詔可同年而語哉庚申天皇遣東宮大皇弟天武也於藤原內大臣家授大織冠與大臣位仍賜姓為藤原氏自是以後通曰藤原大臣辛酉藤原內大臣薨日本世記曰內大臣春秋五十有六而薨愚曰凡此中臣鎌子揚名於天下子孫於今為攝家者其始在討逆巨獲我父子者也皇極天皇時獲我蝦夷任大臣其子

入鹿奢驕甚自僭大臣號不待勅而其父授紫冠於入鹿欲願日位於時中臣鎌子惡之潛與中大臣天智也通而謀蘓我山田石川麻呂者入鹿親族也以蘓我倉山田娘配中大臣是又謀也爰三韓入朝天皇御大極殿蘓我入鹿侍焉古人大兄又侍焉蘓我倉山田讀表文中臣鎌子帶弓箭回城門備其不虞又潛命古麻呂令伏入鹿座側教之曰表文讀了出不意刺入鹿古麻呂中大兄之臣也表文讀了中大兄出而刺之入鹿驚起古麻呂傷其一脚天皇大驚詔中大兄曰不知所祚有何事中大兄伏地奏曰鞍作耶天皇則起入殿中蘓我蝦夷等臨誅悉燒天皇記國記珍寶船史惠及即疾取所燒國記而奉中大兄因此大勲孝德天皇時為內臣中大兄即位是謂天智天皇此時為內大臣授大織冠凡鎌子性敏正而有大人之相常守禮儀忠孝不喜遊遊戲言平生取周公孔子之風

學儒南洲先生今世俗以藤卷鎌斬入鹿臣大非也又或問以鎌子今人曰鎌足何也日本紀皆曰鎌子系圖謂鎌足今卜部鈔曰斬入鹿臣之後改名曰鎌足又日本紀謂藤原氏無朝臣二字姓氏錄曰天智八年始賜藤原氏天武十三年以不比等賜藤原朝臣姓然則至不比等加朝臣二字者也又藤原本居所名也鎌子在加和藤原以所處賜為姓是古之法也凡姓氏族之事左傳天子建德因生以賜姓胙之土命之氏然則因生賜姓若舜生姚墟以姚姓封之於虞即號有虞氏是也若其後子孫更不得賜姓即遂以虞為姓云姓厚氏故姓者所以統繫百代使不別也氏者所以別子孫之所出今鎌子者中臣姓也鎌子此時居在大和藤原故以居處賜以藤原氏是當古之例此鎌子子孫皆以藤原為姓家又當理今此本書謂賜藤朝臣姓不可也謂賜藤原氏可也○此官久絕者鎌子以後不置內大臣官蓋此時無太政大臣官

故以內大臣置左右大臣之上同朝十年始置
太政大臣因之止內大臣三十九代天智置之
中絕而四十九代光仁時又置
之其位卑而異鎌子之時下詳

至光仁御宇藤原良繼魚名等任之初次左右大
臣之下

○續日本紀曰光仁天皇寶龜八年春正月以
內臣從二位藤原朝臣良繼為內大臣良繼參
議式部卿馬養之第二子也魚名同書魚名贈
正一位太政大臣房前第五子也光仁御宇寶
龜十年進為內大臣後
天應元年拜左大臣

凡內大臣者令外之官也又有太政大臣之時任
內大臣頗似無其謂

○職官令官位令共無內大臣官故云令外官
○上古無太政大臣故置內大臣後代有太政
大臣而又置內大臣不叶故實也故謂無其謂
也又按建保六年有太政大臣公房又以源實
朝任內大
臣此類多

又太政大臣者 天智朝初置之皇子大友任之
天武朝皇子高市又任之

○日本書紀天智天皇七年伊賀采女宅子生
伊賀皇子復字曰大友皇子同十年春正月以
大友皇子拜太政大臣○日本書紀天武天皇
二年納丙月形君德采女屋子娘生高市皇子
命持統天皇四年秋七月以皇子高市為太政
大臣此書曰天武天皇時非也以下注可見
愚曰大友天智之子始欲讓位於御弟天武
後以大友皇子為皇太子於此天武斷髮隱

吉野流言曰欲殺天武天武道難回伊勢路至
美濃國野上陳皇子高市陳不破關塞關東之
通路而以吹眉為將軍攻江州都大友皇子戰
潰大臣以下皆死大友到勢田橋邊而死天武
又治天下後讓位於持統天皇持統時
以高市為太政大臣非天武之時也

孝謙天皇改云太師藤原惠美押勝任之又改云
大政大臣道鏡法師任之後代皆云太政大臣也
多是贈官也

○四十六代孝謙天皇天平寶字二年八月改
太政大臣曰太師同四年正月授大保從三位
藤原惠美朝臣押勝從一位是日又授太師又
天平神護元年閏十月以道鏡禪師為太政大
臣禪師同二年十月道鏡任太師法王位見續
日本紀○押勝始名藤原仲磨武智丸之二

男也有寵幸位至三公後孝謙寵弓削道鏡故
押勝恨帝進廢帝謀反帝起軍攻之押勝死廢
帝流淡路國凡我朝上古有仁德天智之遺風
上慕三代之道下准漢唐之制以守官職行年
中政後後帝王或滔戀慕之道快好色或恣邪
侈以集佞臣爰以帝道衰微後代多慢以無尊
者今孝謙天皇淫亂而愛押勝道鏡之徒偏不
顧後代之笑悲哉為上一人行三代道不為萬
世本朝之鑑○林氏曰道鏡俗姓弓削連河內
人也高野天皇寵幸之其弟自布衣八年甲
至從二位大納言一門五位者○或問押
勝姓名神磨而謂惠美押勝事神皇正統記所謂
帝寵見之則會笑故賜氏惠美又於朝廷無押
勝人故改名曰押勝此說是否男女十人曰是
世世人誹謗而言之而已今見本紀天平寶字以仲
磨任太保勅曰廣善懲惡聖主格言其中磨太
保者晨昏不怠格勒守職事君忠赤施務無私
其伊尹有莘媵臣一佐成湯遂荷阿衡之號呂

尚渭濱之遺老且弼文王終得營丘之封况自
 乃祖近江大津宮内大臣已來世有明德翼輔
 皇室君歷十帝年殆一百朝廷無事海内清平
 者哉因茲論之准古無匹汎惠之義莫美於斯
 自今以後宜姓中加惠美二字禁暴勝強止戈
 靜亂故名曰押勝云見此本文則神皇正統記
 俗說也○道鏡續日本紀天平寶字八年道鏡
 賜號大臣禪師神護二年十月詔授道鏡法王
 位同二十八卷神護曇雲三年九月初太宰主
 神習宜阿魯麻呂希旨媚事道鏡因矯八幡神
 教言令道鏡即皇位天下太平道鏡聞之深喜
 自負天皇召清麻呂於壯下勅曰昨夜夢八幡
 神使來云大神為令奉事請尼法均宜汝清麻
 呂相代而往聽彼神命臨發道鏡語清麻呂曰
 大神所以請使者蓋為告我即位之事因重募
 以官爵和氣清麻呂行詣宇佐神宮大神託宜
 曰我國家開闢以來君臣定矣以臣為君末之
 有也天之日嗣必立皇緒無道之人宜早掃除

清麻呂來飯奏如神教於是時道鏡大怒解清
 麻呂本官出為因惱負外介未之任所尋有詔
 除名配於大隅其姊法均還俗配於備後元亨
 釋書沙門道鏡者弓削氏義淵之徒也有梵學
 召入内道場修如意輪觀自在供上皇疾保良
 詔鏡看待鏡曷為不族議也曷為議侍女主也
 寶字六年秋九月道鏡號大臣禪師同七年九
 月道鏡賜號大臣禪師鏡媚上皇故書不族號
 名非法不書賜寶字之政權在上皇帝只當字
 而已藤太師患鏡之寵及反以誅鏡為名壬子
 仲亡上皇聞帝知仲事遣兵圍中宮院帝懼退
 位降為淡路公配淡州婉文書狩也天平神護
 六年八月初四帝崩太子攝政令曰道鏡師隱
 慝已形罪當大辟然而先皇所厚且從輕恕任
 造下野州藥師寺使
 ○贈官死而賜官也

文德御世藤原良房任之

忠仁公是也

爾來連綿任之

○忠仁公或曰美濃公

○文德實錄曰天安元年二月右大臣正二位藤原良房為太政大臣○良房是入臣攝政之始人也冬嗣之嫡男又號深殿號白川于時攝政太政大臣謚曰美濃公又曰忠仁公薨年六十九清和天皇之外祖也文德之母曰皇太后順子號五條后是良房之妹也然則良房者文德帝之舅也良房以前或置或不置良房以後連綿而置太政大臣

自准大臣以下至每是非欽三百世字旧本所無也

准大臣者 文武天皇大寶三年正月三品刑部

親王為知太政官事又 聖武朝太政大臣高市

親王三男參議從三位大藏卿鈴鹿王知太政官

事是濕羅^云帥內大臣伊周歸京之後寬弘二年

列朝參大臣下大納言上五年准大臣賜封戶一

千戶自稱儀同三司其後絕矣

○續日本紀曰文武天皇大寶三年正月詔三品刑部親王知太政官事○同書曰聖武皇帝天平九年九月從三位鈴鹿王為知太政官事云延喜式曰凡親王知太政官事者其季錄准右大臣預議政者一品二品准大納言三品四品准中納言○萃菴曰知太政官事者坐三公之上人也又神皇正統記弓削道鏡准大臣之始也○盤觴者始之義也孔子家語曰江始岷山其源應盤觴又刑部親王文武帝第九皇子高市親王天武之子言昔無准大臣故不載官位今大寶三年刑部任知太政官事是准大臣之義也故是為准大臣之始○帥內大臣伊周者房前九代之孫也父關白道隆母高階二位業忠女也正曆三年任內大臣長德二年四月

二十四日坐事配流大宰府權師故曰帥大臣配大宰府之時任權帥常例也同三年四月五日飯京寬弘五年准大臣賜封戶一千戶自稱儀同三司○公卿補任曰寬弘二年二月五日宣旨列大臣下大納言上朝參者同十一月十日宣旨預朝儀五年正月十六日准大臣給封戶○儀同三司者百人一首鈔云伊周公之儀同三司者各別也愚曰鈴鹿王者高市親王之子稱王者天子之子又孫未為親王者稱王也又朝參大臣者現任大臣也行朝廷之政人曰朝參此時伊周預朝政故列朝參大臣之下行事也凡准大臣者依宣旨而預朝廷之政者也無勅許則不得預朝政矣

弘安六年太政大臣

基具堀川太政大臣于時大納言

叙一位辭

大納言七年准大臣可令朝參之由被下口宣

而擬階奏連署之時被尋問官底參者不可為見

任之由依申之無勅許

云云

○基具材上天皇十一代源基具自大納言叙一位自一位任准大臣朝參者預朝廷政之人也口宣擬階奏任六位以下之人之政也連署者擬階奏之時公卿以下外記史以上參太政官行之此時署公卿以下之姓名日之連署此時天子被尋問基具官底法家儒門多申不可為見任之由故無見任之勅許○公卿補任日後宇多院弘安七年從一位源基具正月十三日辭退辨學院別當正月十五日遣勅使五位藏人定光於里亭准大臣可朝參之由被御二月二十七日又曰准大臣可朝參之由被下口宣定光奉二月二十九日拜賀自此日召具車副四人自稱儀同三司被申可列大臣下大納

友底大政友ヲサシテ云底ハモト也亦祇友ヲモ亦友底ト云ハ省各省底下稱又使廳ヲ廳底ト云本朝之釋延走十四年四月廿八日善清行上封夏更見十二ヶ条中清置法因勘籍人定教更条云三省史生圭生等為到不編本主不依因解信稱勘籍独載李符其尤甚者本主未補一人省底已盈其數云々補任日源基具弘安六年正月九日叙從一位大納言如元七年二月

中畧又勘籍解文必二通進友共一通留友底二通加外題即下式ア省々進奉符之日与友底解文勘

職原錄 弘事大全卷二

合然後清印云云又類張三代格負現十年六月廿八日本政官符曰祭日法社祝部等理須未祭之前人云集友底各情幣帛依例供祭云云

清家外記良季真人也

中家外記師顯也共弘安頃之人

實親恐公視誤

公々補任所見別記

言上之由仍擬階奏連署之時被尋問法家多者不可為見任之旨計申之時無効許云○公事根原曰擬階奏四月七日是以二月之列見之時之成撰之短冊今自二省持參以之大臣奏聞也列見延引之時者擬階亦延引也事果而短冊入櫃如元以退出按列見者二月十一日也公卿辨少納言外記史參太政官行公事也撰六位以下藝能者式部兵部二省率之參大政官上卿見其器量容儀著朝所並安穩座而有儀式又短尺者定考之短冊也○見任者言與見任大臣同列不可預朝廷政之由法家勘申也

然而清家外記補任見任注從一位行儀同三司

列內大臣下大納言上中家外記本補任非參

議列次前內大臣實親正二上所為不同難一決

者歟正應二年直轉太政大臣

○補任見任者補任公卿補任也此補任之中有見任非參議之列見任者在官之公卿記之非參議者前官或無官公卿記之今此准大臣記見任之列之義也○三條稱號也中原外記號三條也本補任又書名也非參議列萃菴曰前官惣名曰非參議大臣以下參議以上辭其官之人皆入非參議列○內大臣實親者閑院太政大臣公季十代孫也父太政大臣公房也實親者嘉禎年中居右大臣人也○轉太政大臣者指基具公也正應者伏見帝年號也○公卿補任曰弘安七年前內大臣正二位藤公親前大納言正二位藤良教從一位源基具位良教上○萃菴曰中原三條家今斷絕又抄云三條字疑在實親之下乎未如何是

其後正應定實公永仁通賴公喜元實家公攝政實經

男相繼任之是皆可昇大臣之器クノラクチシ暫沉淪之間依重其人慰晚達今朝參者也

○定實公卿補任曰正應五年八月十四日從一位同九月五日准大臣可朝參之由宜下○通賴公卿補任曰永仁七年准大臣○實家公卿補任曰喜元三年十二月八日准大臣○實家藤房前二十代孫也父實經母右中將有信女後至太政大臣從一位又實經者關白道家之男至攝政關白弘安七年薨六十八歲○况淪淪者沒也衰微而終年人也晚達與晚暮同不昇官而老衰也○今朝參者言公卿皆人數有定無關則不任故可昇大臣人任准大臣漢朝廷之政也正應永仁共伏是年號也喜元後一條年號也

而先朝後醍醐院也御時前大納言定房為名家任之

可謂無念雖然後自任內大臣之上者無是非歟

○定房者名家也左大臣冬嗣公六男良門是勸修寺之祖也良門十六代孫也父權大納言經長母中納言定嗣女任准大臣後任內大臣從一位○下卷曰稱名家者大藏卿為房餘胤兩流號勸修寺葉室參議有國子孫又有兩流號大福寺日野但此流儒門也中納言親宗子孫平氏等名家也經歷侍中辨官昇大中納言多執院中權故振威勢頗有鷹揚之思乎然而累代為執柄家司職事不適名家之號此外南家式家管江之儒或昇進或沉淪然而登用之時准名家被召仕流例也○名家二字出所按杜律集解曰名家莫出杜陵人注杜陵有南杜北杜最為名家詔為關江使雖位尚未達而其人則出名家

攝政關白者大臣兼之或去大臣職帶之東三條

入道攝政已來例也

○自是以下至遯道例也言攝政關白之事萃菴曰攝政者主上幼時置之或女帝置之常不置之關白者常置之凡此職者三公之兼官也前官大臣帶之東三條入道兼家始也○東三條入道者冬嗣六代孫攝政關白從一位又號東三條或曰法興院正曆元年出家法名如實同年七月薨六十二載是去大臣職而任攝政關白始也

凡此職者異朝唐堯時舉舜為攝政殷湯以伊尹

為阿衡當攝政也

○書堯典曰帝曰咨四岳朕在位七十載汝能庸命異朕位岳曰咨德泰帝位曰明明揚側陋師錫帝曰有鰥在下曰虞舜帝曰兪予聞如何岳曰瞽子父頑母嚚象傲克諧以孝烝烝又不

格姦帝曰我其試哉女于時觀厥厥刑于二女釐降二女于媯汭嬪于虞帝曰欽哉注曰四岳臣各象者舜弟諧者和也烝烝者進也二女者堯女娥皇女英也媯汭者舜居處也欽哉者堯戒

二女之辭也鰥者無妻曰鰥舜之事也孔氏曰堯年十六以唐侯升為天子在位七十年則時年八十六以二女妻舜以治家觀治國又唐孔氏

目按世本堯是黃帝玄孫舜是黃帝八代孫舜典曰帝曰格汝舜詢事考言乃言底可績三載汝陟帝位舜讓于德弗嗣云正月上日受終于文祖讓于德者讓他有德之人也試舜三年

按位故舜讓于德不受也文祖者帝位也按注說堯年十六即位七十年載又試舜三載

老不聽政二十八載乃崩在位通計百單一年又曰堯年八十六而舉舜試之三年而讓位于

時舜辭而不嗣然而終受帝位也然而未稱帝號經二十八年而堯年一百十七歲而崩也堯崩而過三年而舜即帝位也○殷湯者湯王也

書太甲上曰。惟嗣王不惠于阿衡。注曰。惠順也。阿。倚。衡。平也。阿。衡。商之官。名。言天下之所倚平也。亦曰保衡。或曰。伊尹之號也。葉氏曰。阿。保。通。阿。亦保之意。王氏曰。阿。大陵之有助者。保。其君如阿。平其國如衡。蘓氏曰。阿。衡。尹之號。猶太公尚父其號也。○愚按。史記舜名曰重華。自帝顓頊七代也。中微而舜耕歷山。堯舉用。使舜攝政。攝政八年而堯崩。有堯子丹朱。舜二年之喪畢。舜讓辟丹朱於南河之南。諸侯皆飯。舜故舜終即天位。殷湯契之後也。誅夏桀。定天下。蓋湯王自契十四代也。名履。字湯。殷人尊湯曰天之伊尹。名摯。力牧之後。始居伊水。故曰伊尹。負鼎俎。始見湯王。年百歲。卒。聖人也。伊尹仕六君。湯主太卜。外內太甲沃丁也。

周成王幼而即位。叔父周公且攝政。是今攝政之儀也。漢昭帝又幼而即位。博陸侯霍光奉武帝遺

詔攝政如周公故事。然乃以周公且霍光為濫觴是也。

○周公且。文王之子。武王之弟也。陳氏曰。文王二十四年生。武王四十八年。即諸侯位。在位五十年。年九十七而終。武王年七十三而崩。位嗣也。書周書曰。既克商二年。王有疾弗豫。公歸乃納。冉于金。滕之賈中。翼日乃瘳。武王既喪。管叔及其群弟乃流言於國曰。公將不利於孺子。周公乃告二公曰。我之弗辟。我無以告我先王。周公居東二年。則罪人斯得。于後公乃詩以貶王。名之曰鴟鴞。王亦未敢讓公。云管叔者名。鮮。武王弟。周公兄也。群弟者。蔡叔。度。霍。叔。處也。流言。無根之言。如水之流也。孺子。成王也。商人。兄。死弟立者。多。武王崩。成王幼。周公攝政。商人固已疑之。又管叔於周公為兄。尤所覬覦。故武庚管

蔡流言於國以危懼成王而動搖周公武王崩年成王纔九歲也書大誥注曰武王克殷以殷餘民封受子武庚命三叔監殷武王崩成王立周公相之三叔流言公將不利於孺子周公避位居東後成王悟迎周公歸三叔懼遂與武庚叛成王命周公東征以討之○史記魯世家曰武王既崩成王少在強祿之中周公恐天下聞武王崩而畔周公乃踐阼代成王攝行政當國云○詩周南注周國名周國本在禹貢雍州境內岐山之陽后稷十三世孫古公亶父始居其地傳子王季歷王孫文王昌辟國寢廣於是徙都于豐而分岐周故地以為周公且召公奭之采邑且使周公為政於國中而召公宣布於諸侯至子武王發又遷于鎬遂克商而有天下武王崩子成王誦立周公相之○傳陸侯霍光前漢書六十八霍光傳曰霍光字子孟票騎將軍去病弟也父中霽河東平陽人也年十餘歲為郎稍遷諸曹侍中去病死後光為奉車都尉光

祿大夫出則奉車入侍左右出入禁闥二十餘年小心謹慎未嘗有過征和二年衛太子為江充所敗而燕王且廣廢主昏皆多過失是時上年老寵姬鉤弋趙婕妤存有男上心欲以為嗣命大臣輔之察群臣唯光任太重可屬社稷上廼使黃門畫者畫周公負成王朝諸侯以賜光後元二年春上游五柞宮病篤光涕泣問曰如有不諱誰當嗣者上曰君未諭前畫意邪立少子君行周公之事光頓首讓曰臣不如金日磾日磾亦曰臣外國人不如光上以光為大司馬大將軍日磾為車騎將軍及太僕皆拜卧内壯下受遺詔輔少主明日武帝崩太子襲尊號是為孝昭皇帝帝年八歲政事壹決於光先是後元年侍中僕射莽何羅與弟重合疾通謀為逆時光與金日磾上官桀等共誅之切未錄武帝病封璽書曰帝崩發書以從事遺詔封金日磾為終侯上官桀為安陽侯光為博陸侯皆以前捕反者切封云光與左將軍桀結婚相親和光長女

本朝曰白之初公
令神任云元慶四
年十二月八日撰政
大臣藤原基
經昭宣公是也改
撰改為曰天白三代
實錄亦同之

為策子安妻有女年與帝相配策因帝好鄂邑
蓋主內安女後宮為健行數月立為皇加云委
見本傳○盤觴家語曰江始岷山其源可以盤
觴及至江津不舟楫不可以涉云又山谷三岷
江初盤觴入楚乃無底○愚曰成王九歲而即
位故以周公且攝政又昭帝武帝之子八歲而
即位是共名攝政之始也攝政者必有幼主時
常不置之周者國名文王之時封周公曰周公
傅陸國名霍光封
傅陸故曰傅陸公

關白者漢宣帝立霍光猶攝政非幼主之故霍光
還政宣帝猶重其人令關白乃機關白之號自此
而始云
○按霍光傳昭帝崩亡嗣廣陵王燕自主不能
嗣光與丞相敞以下議而奏皇太后曰孝武皇

帝曾孫衛太子孫病已武帝時有詔掖庭養視
至今今年十八師受詩論語孝經躬行節儉茲仁
愛人可以嗣孝昭皇帝後奉承祖宗廟子萬姓
昧死以聞皇太后詔迎曾孫見皇太后已而光
奉上皇帝璽綬謁于高廟是為孝宣皇帝明年
下詔曰大司馬大將軍光宿衛忠正以安宗廟
其以河北東武陽益封光萬七千戶與故所食
凡二萬戶賞賜前後黃金七千斤錢六十七萬
緡三萬疋奴婢百七十人馬二千匹甲第一區
光自後元兼持万機及上即位乃歸政上謙讓
不受諸事皆先關白光然後奏御天子光每朝
見上虛已歛容禮下之已甚光秉政前後二十
年地節二年春病篤車駕自臨問光病上為之
涕泣即日拜子禹為右將軍光薨上及皇太后
親臨光喪云○愚曰昭帝幼而即位故以霍光
為攝政昭帝早世而無子故以宣帝為天子宣
帝即位年十八故辭攝政職上又讓而以光為
關白者也關白二字出于此又攝政二字堯舜

禹之時未出此二字周書之注始一丁字出又堯
典曰我其試又舜時以禹曰汝惟不怠總朕師
也又殷湯以伊尹為阿衡是皆雖無攝政之二
字其心則一也又史記魯世家成王幼在強葆
之中周公恐天下聞武王崩而畔周公乃踐阼
代成王攝行政當國云攝政二字始出于此○
万機者天下之萬政也書所謂
一日二日有万機則取此儀也

本朝 仲哀崩皇后攝政平三韓而飯筑紫誕生

皇子在襁褓皇后猶攝政遂臨天下六十餘年雖

同正帝奉稱攝政

○自是以下謂日本之例神功皇后則應神天
皇母也應神四歲而為皇太子此時皇后為攝
政是本朝攝政之始也三韓者新羅百濟高麗
也皇后自征而討三韓三韓悉臣伏皇后飯筑

日本皇子下有白字
二字帝王編年紀
平三韓而歸筑紫
誕生皇子皇子在
襁褓云

紫誕生應神天皇號其所曰宇湊于今有其祠
襁褓者小兒之衣也世人號赤子曰襁褓○日
本紀曰仲哀日本武尊第二子也八年春正月
幸筑紫居樞日宮秋九月乙亥詔群臣以議計
熊襲時有神託皇后而誨曰天皇何憂熊襲之
不服是齋之空國也豈足舉兵伐乎此時與皇
后共在筑紫也愈此國而有寶國金銀彩色多
在其國是謂梯矣新羅國焉若能祭吾者則曾
不血刃其國必自服矣復熊襲為服其祭之以
天皇之御船及穴門直踐立所獻之水田名大
田是等物為幣也天皇聞神言有疑之情便登
高岳遙望之大海曠遠而不見國於是天皇對
神曰朕周望之有海無國豈於大虛有國乎誰
神徒誘朕復我皇祖諸天皇等盡祭神祇豈遺
神助時神亦託皇后曰如天津水影押伏而我
所見國何謂無國以謝誘我言其汝王之如此
言遂不信者汝不得其國唯今皇后始之有胎
其子有獲焉然天皇猶不信以強擊熊襲不得

勝之而還之九年春二月天皇忽有痛身而明日崩時年五十二於是皇后及大臣武內宿禰
臣烏賊津連大三輪大支主君物部瞻昨連大
伴武以連曰今天下未知天皇之崩若百姓知
之有懈怠乎則四大夫領百寮令守宮中竊收
天皇之屍付武內宿禰以從海路遷穴門還殯
于豐浦宮甲子大臣武內自穴門還○神功皇
后者開化天皇之曾孫氣長宿禰王之女也時
皇后御天皇不從神教而早崩改適更造齊宮於
山田邑筑紫也三月皇后選吉日入齊宮親為
神主則命武內宿禰撫琴而請曰先小教天皇
仲哀也者誰神也願欲知其名速于七日七夜
乃答曰神風伊勢國之伊傳度逢縣之折鈴五
十鈴宮所居神名撞實木嚴之御龍天疎向津
媛命又曰幡荻穗出也於尾田吾思節之淡郡
所居之有也又曰於天事代於鹿事代玉籤入
彦嚴之事代神有之也又曰於日向國橘小門

之水底所底而水葉維之出處神名表筒男中
筒男底筒男神之有也以上六神也時得神語
隨教而祭然後遣吉備臣祖鴨別令擊熊襲國
未經淡辰而自服焉而後舉兵擊羽白熊鷲而
滅之又誅土蜘蛛田油津姬夏四月但仲哀二
月崩其年四月也壬寅北到火前國今肥前也
松浦縣而進食於是皇后勾針為釣取粒為餌
抽取棠系為緝登河中石上而投釣祈之曰朕
西欲求財國若有成事者河魚飲釣因以舉竿
乃獲細鱗魚時皇后曰希見物也故時人號其
處曰梅豆羅國今謂松浦訛焉皇后還詣檀日
浦日向國也解髮臨海曰吾被神祇之教賴皇
祖之靈浮海躬欲西征是以今頭濮海水若有
驗者髮自分為兩即入海洗之髮自分也秋九
月令諸國集船舶練兵甲於是使吾瓮海人烏
摩呂出於西海令察有國耶還曰國不見也遣
磯鹿海人名草而令觀數日還之曰西北有山
帶雲橫組蓋有國乎爰卜吉日而臨發有日時

皇后親執斧鉞令三軍曰爾適當皇后之開脫
 皇后則取石挿腰而祈之曰事果還日產於茲
 主冬十月從和珥津發之便到新羅新羅王於
 是戰戰栗栗厝身無所則集諸人曰新羅之建
 國以來未嘗聞海水陵國若運書國為海乎是
 言未訖之間船師滿海旌旗耀日鼓吹起聲山
 川悉振新羅王遙望以為非常之兵將滅已國
 驚焉失志乃今醒之曰吾聞東有神國謂日本
 亦有聖王謂天皇必其國之神兵也豈可舉兵
 以距乎即素旆而自服素組以面縛封圖籍降
 於王船之前因以叩頭之曰從今以後長與乾
 坤伏為銅部其不乾船拖而春秋獻馬梳及馬
 鞭復不煩海遠以每年貢男女之調則重擔之
 日非東日更日西且除阿利那禮河返以之迹
 流及河石昇為星辰而殊闕春秋之朝忍廢梳
 鞭之貢天神地祇共討焉皇后乃解其縛因新
 羅王之盟解其縛也為銅部遂入其國中封重
 寶府庫收圖籍文書仍賫金銀彩色及綾羅

緋纁載于八十艘船令從官軍是以新羅王嘗
 以八十船之調貢于日本國其是之緣也於是
 高麗百濟二王聞新羅收圖籍降於日本國密
 令伺其軍勢則知不可勝自來于營外叩頭曰
 從今以後永稱西蕃不絕朝貢故因以定內官
 家是所謂之三韓也皇后從新羅還之十二月
 戊戌生譽田天皇於筑紫皇后欲向京時麿坂
 王忍熊王反此二人者譽田天皇應神也之兄
 也謀誅皇后時麿坂王忍熊王共出菟餓野而
 祈狩之曰若有成事欲殺皇后並譽田天皇之
 祈也必獲良獸也二王各居假麻赤猪忽出之
 登假麻赤摩坂王而殺之軍士悉慄又忍熊王
 引軍返屯於住吉皇后聞此事命武內宿禰懷
 皇子橫出南海泊于紀伊水門則紀伊國也以
 武內宿禰終誅忍熊王冬十月群臣尊皇后曰
 皇太后是年也大歲辛巳即為攝政元年也三
 年立為皇太子元史高麗傳曰古新羅百濟高
 句麗三國而為一也始三國至元代為高麗國

子者則孝德天皇也。皇極之第天智帝叔也。是時之中大兄為皇太子。孝德治天下十年。此間中大兄為皇太子也。而又齊明帝重祿。齊明帝者中大兄之母也。中大兄者天智天皇之事也。齊明治天下七年七月崩。此間中大兄為皇太子也。齊明崩時皇太子素服稱制。遷居于長津宮。云云。三十六代皇極也。此時有入鹿亂。三十七代孝德也。三十八代齊明也。三十九代天智也。始名曰中大兄也。○清和天皇三代實錄曰。清和天皇諱惟仁。文德天皇第四子也。母太皇太后藤原氏太政大臣贈正一位良房朝臣之女也。文德天皇有四皇子。第一惟高親王。第二惟條親王。第三惟彥親王。第四惟仁也。則清和天皇也。嘉祥三年三月二十五日生。同十一月立皇太子。先是有謠云。大枝乎超天走超天騰躍上那加陞超天我那善改毛留田我那搜阿左陞食無志岐那雄雄伊志岐那識者以為大枝謂大兄也。超三兄而立故有此三超之謠焉。天安

二年八月二十七日。文德天皇崩。十一月七日。天皇即位於大極殿。時年九歲。此時藤原太政大臣良房攝行天下之政也。良房後曰忠仁公。貞觀十四年九月二日。太政大臣從一位良房薨。十月贈正一位。又以美濃國封之。為美濃公。謚曰忠仁。云云。其後陽成天皇幼而即位。右大將藤原基經攝政。是又忠仁公之一門也。是在位之攝政始也。神皇正統紀曰。五十六代清和天皇此天皇之御時。良房之大臣攝政以來。正人臣攝政事始也。又此大臣遠慮有之。為子孫勸學。造勸學院。又大學寮有東西曹。司管江二家掌之。彼大學之南建立此院。申南曹。良房大臣攝政以降。傳彼一流。不絕。獨非。俗以聖德太子主時而已。代代有此職。云云。子母豐後國長者女。云云。大訛。聖德之母穴穗部皇女者。欽明帝之女也。又俗用明帝下豐後國。是又流言也。用明即位治天下二年也。無下豐州之餘日。又清和天皇即位之時。與兄有爭位。則有名虎之

成心
卷之二
三十九

相僕之事是又非也
蓋此時有童謠上詳

又執柄者必蒙一座之
宣旨故稱一人又云然

而閑院太政大臣公著關白左大臣賴上カニ我カ太

政大臣實著關白左大臣忠上是邂逅例也

○執柄者關白也。必蒙內覽之宣旨必著上座者也。假令左大臣攝政則著太政大臣上也。執柄又曰攝錄代天子執錄云李周韓曰文選註云錄符也又錄也命紀也執柄柄毛詩周公且美其德比芥柄又柄柄也陳孔章云有芥無柄何以自濟云又傳子云治國有二柄一曰賞二曰罰也云又禮記禮者君大柄也云○一座旨左大臣關白則著太政大臣上也。公季著賴通上事希例也。但公季者此時老人也其上賴通之父道長者公季之姪也。因此儀無何賴

通讓而不著上乎又雜實村上天皇之孫具平親王四代也忠通者賴通之四代忠實之子也。任攝政關白氏長者號法性寺殿是也。後白川院時人也。百人一首有和田乃原潛出天見禮半之歌此人也。○公季者右大臣師輔子也。師輔有十四男一曰伊尹二曰兼通三曰安子四曰兼家五曰忠尹六曰遠度七曰高光八曰遠重九曰如覺十曰為光十一曰慶宮十二曰公季十三曰尋禪十四曰深覺云公季閑院祖也。長元二十月十七日薨年七十三載。○賴通者道長子也。道長者兼家之子也。于時任氏長者攝政關白從一位守治殿是也。年八十三載薨。○延喜式凡諸王諸臣任太政大臣者不得以親王為左右大臣但得任八省卿諸臣任太政大臣者不得以諸王為左右大臣親王任左大臣者不得以諸王為右大臣但親王諸臣不得為左右。○邂逅詩鄭風野有蔓草篇有美一人清揚婉兮邂逅相遇適我願兮注邂逅者不期而

會也○或問執柄者非攝政之義哉又有關白之時攝政之名又有哉曰天子幼時攝天下政以代天子曰之攝政此時無關白之名天子非幼主常蒙內覽宜旨行天下政以助理萬機曰之關白此時無攝政之名故幼主時曰之攝政常曰之關白二名而一也執柄者正關白也

大納言

令四人相當正從三位今從二位

○官位令曰正三位大納言勳一等云職負令大納言四人掌參議庶事敷奏宜旨侍從獻替令義解曰大納言謂納言王者唯舌之官也言納下言於上宣上言於下也○今從二位按職負令四人官位令正三位中納言從三位也今此謂相當正從三位者不審也從三位中納言又太宰師相當而非大納言相當又謂今從二位是指親房時歟又醒愒首書曰大納言近年正三位○令四亞相非唐名亞者爾雅次也人令指職負令

官亞丞相之義也○獻納按社律集解獻納者納諫言之名也唐世奏諫言則焚其草案也○今又不知也本朝納言奏言之任也故魏獻納乎○亞槐又次三槐之義也三公謂三槐自周世始○納言之二字出于舜典詳于中納言之處又班孟堅西都賦日月獻納者是也

其職掌與右大臣以上參議天下事然者大臣不候之間奉行與大臣同故云亞相之官也異朝上古少師少傅少保是云三孤是三公之貳也故云亞相

○參議天下事者令義解曰謂與右大臣以上共參議天下之庶事若右大臣以上並無者即大納言得專行云言大納言之職者大臣之次也若大臣或有病或故障不候之時者大納言

代大臣行天下政也。○少師少傅少保者書周官曰少師少傅少保曰三孤。戴公弘化寅亮天地弼予一人。注孤特也。三少雖三公之異而非其屬官。故曰孤陳氏雅言曰公濬其源孤導其流公正其本孤治其末公提其綱孤張其目公孤之職雖異而實同。雖同實異者如此。云三孤與三少同稱也。前漢書曰又立三少為之副。少師少傅少保是為孤。卿與六卿為九焉。○愚曰周世三孤則當大納言者也。○大納言之始。公卿記曰大納言十八人。案近江朝庭始置御史大夫。天智天皇時也。同又淨御原天武也。朝改號稱大納言。元年八月巨勢比登臣等稱大納言也。

漢以來為御史大夫者必轉丞相。依之有亞相之號。然而御史之職當今彈正其義不叶。

○漢御史大夫轉丞相。高祖時張蒼為御史大夫。文帝時為丞相。申屠嘉為丞相。又御史大夫。文帝時張蒼為丞相。故拜申屠嘉為丞相。又御史大夫。邴吉孝宣帝時為丞相。皆此類也。○蓋按漢御史大夫當大納言。又唐御史臺大夫當彈正也。今此書彈正尹唐名謂御史大夫者。惟唐例也。親房有逆旅不能廣考。故曰其義不叶者也。○漢書曰御史大夫秦官位上卿。銀印青綬。掌副丞相。有兩丞。秩千石。一曰中丞。在殿中。蘭臺掌圖籍秘書外督諸刺史。內領侍御史員十五人。受公卿奏事。舉劾按章。成帝綏和元年更名大司空。金印紫綬。祿比丞相。置長史。如中丞。官識如故。哀帝建平二年復為御史大夫。元壽二年復為大司空。御史中丞更名御史長史。侍御史有繡衣直指。出討姦猾。治大獄。武帝所制不常置。○御史大夫始於皇時。馮劫為御史大夫。秦官也。當今彈正其義不叶者。彈正唐漢又有此官。名謂御史大夫也。愚按漢御史

大夫副丞相行政則今大納言也。漢元壽年中侍御史之官討姦猾治大獄是似彈正職掌。又後漢御史大夫是正糾彈之職也。以是見旃則漢御史大夫大納言後漢御史大夫當彈正尹者也。謂今其義不叶非也。○周禮曰御史注御者猶侍也侍御于君之史官也。云周御史同漢御史大夫。○御史事詳干彈正之下。

矣稱德御世暫改大納言為御史大夫是故

大納言唐名為御史大夫不叶舊式者也令正負

四人也

○神皇正統紀曰稱德者孝謙帝之重祚也孝謙帝在位寵道鏡法師後讓位于廢帝于時孝謙帝出家為尼以道鏡任太政大臣因茲押勝謀反進廢帝于時道鏡誅押勝以廢帝遷淡路

國此時尼帝重祚稱稱德天皇云見神皇正統記○改大納言為續日本紀曰天平寶字二年八月是日改易官名太政官惣持綱紀掌治邦國如天施德生育萬物故改為乾政官太政大臣曰大師左大臣曰大傳右大臣曰大保大納言曰御史大夫又同朝復元天平神護以道鏡為太政大臣神護景雲二年以正三位弓削御淨朝臣清人為大納言今本書以暫字含復元大納言之儀也○此故以下不叶舊式者以上之文不分明凡天知天皇御宇以蘇我果安臣巨勢人臣紀大人臣為御史大夫注曰御史蓋今大納言也其後天武時以御史大夫為大納言今稱德時以大納言為御史大夫天智之例也是守舊式然此時謂不叶舊式者非也又大納言唐名為御史大夫漢朝例最當理者也令職負令也正負對權官之詞也大納言四人也故曰正負四人

十人恐是七人按
官職秘抄云永安
元年增七人加重
盛云永安高倉
年号

寬平御宇為正二人權一人其後權官加增高倉

御宇始為十人先朝後醍醐天皇御時被定六人凡當

官者人臣之重職也可昇大臣之人任之而光賴

卿以來為諸大夫輩又任之然而至今為重寄

○寬平宇多御宇也清三位曰寬平九年又正
貞二人之外管家令任權也延喜以來或又二
人或三人永觀元年始置四人權二人云今平
家物語曰太政大臣師長公始仁安元年十月
自前中納言昇權大納言給于時無大納言之
關而加貞外給大納言成六人事始此時然
後醍醐以前始定六人乎○寬平五十九代宇
多天皇光孝帝之子後号寬平法皇○高倉八
十代後白川第三子又後醍醐後宇多第二子
○光賴卿藤原良門十一代顯賴之子干時權

大納言正二位參議
号葉室大納言是也

中納言令外官也權官古來有之 相當今從三位
唐名納言 勳作 黃門

○大寶年中定官位令日無中納言故不載仍
且令外官其後養老年定官位令有中納言故
載之但大寶元年三月止中納言官同元年八
月撰律令成之同九年者慶雲二年也更又置
中納言因之不載官位令也官位令則是令之
篇名也○權官權中納言古來多在之也○今
從三位養老年官任令為中納言從三位又續
日本紀曰天平寶字二年勅中納言准格正四
位上此則職掌既重季祿尚少自今以後宜改
為從三位公卿記曰慶雲二年四月十七日
勅曰依官負令大納言四人職掌既比大臣官
位亦超諸卿朕顧念之任重事密充負難滿宜
廢省二員為定兩人更置中納言二人以補大
納言不足其職掌敷奏宣旨待問參議其官位

天平寶字云類聚
三代格同

料祿准令商量施行者於時准正四位上宣別封二百戶資人三十人勅負依奏即以阿倍朝臣宿齋麻呂正四位下粟田朝臣真人從四位上高向朝臣磨圖納言書舞典帝曰龍汝作納等三人任之圖言夙夜出朕命惟允云注曰納言之官如今之門下審復自外而進入者既審之自內而宣出者亦審之云龍作亦此故事也○黃門漢百官志曰黃門侍郎六百石注曰無負掌侍從左右給事中閔通中外及諸王朝見於殿中引王就坐獻帝起居注曰帝初即位初置侍中給事黃門侍郎負各六人出入禁中近侍帷幄省尚書事云又同後漢書有侍中比二千石本注曰無負掌侍左右贊導衆事顧問應對云又董巴曰禁門曰黃闥以中人主之故号曰黃門云

持統天皇六年始置此官其後罷之大寶二年定

官位今日無此官仍為令外敷但慶雲四年又置

之云

○按延喜式實持統天皇時始非置中納言官日本紀持統六年之處有中納言之官而已非監觴之言委記上篇之間畧之○其後罷之延喜式曰文武天皇五年大寶元年三月罷中納言官同年後月撰律令故以中納言不載官位令乎同九年者慶雲二年也更置中納言云又此書始曰大寶元年撰律令今此作大寶二年遇按大寶元年八月律令成同二年二月始頒新律於天下冬十月頒下律令于天下諸國事見續日本紀此書謂二年非謬也但慶雲四年非也公卿紀作慶雲二年也

相當三位也四位參議任之時執筆人即書從三

公心補任云慶雲二年四月丙寅勅依官負令大納言四人職掌既比大臣者位亦超諸人朕念之任重宜密充負難滿宜廢省二負為定兩人更置中納言三人以補大納言之不足其職掌數奏宣旨待向參淺云云

位人數近代為十人前朝被定八人其後又不同

凡任當官者參議勞二十年以上檢非違使別當

大辨宰相攝政關白子為二位三位中將者近代大臣

息三位中將等直納言以上殊可撰其人之官也

○天平寶字為相當從三位故曰相當三位也

若四位參議任中納言則押以書中納言從三

位也。不書四位也。○中納言人數上古負數不

定。大寶年三人也。其後有權官近代為十人事

未考但長和四年置八人又前朝者後醍醐也

此時後醍醐在吉野京都光明院代也。故曰前

朝參議勞任參議勤二十年餘人也。此人必任

中納言又使別當任之也。大辨宰相者大辨兼

參議也。攝關子三位中將以上皆有中納言

關則任之也。攝關子不經參議自二位中將直

任中納言是近代例也。又曰近代大臣息三位

中將直任之事不可然事也超等任日直任

參議八人相當正四位下相公八座

○公卿記曰參議案藤原朝廷天之真宗豐祖

父天皇文武天皇也大寶三年始置參議大寶

二年五月九日詔曰從三位大伴宿禰安麻

呂正四位下栗田朝臣真人從四位上高向朝

三弋无相当加正四位下者非也无相当官是捧物上云

事參議共行其事同納言雖然唐諫議大夫秦無職掌只參議政事故非正官名置諫大夫後漢光武增為諫議大夫後漢書曰諫議大夫六百石本注無負世祖中興以光祿大夫為諫議大夫○相公按白氏文集卅七及七十共以三公謂相公非參議唐名○八座是亦非唐名大同年置畿內七道觀察使各一人合八人也故稱八座又異朝有八座是各別事也下詳○宰相是不相應華菴曰以參議稱宰相事不知何世始按異朝宰相當日本三公也但是參議異名也非唐名凡參議於禁中預諸政者如三公雖無正官又無不參議故世人稱宰相乎蓋杜氏通典并仁宗實錄寇萊忠愍公準召為參知政事掌奏事切直太宗怒起輒舉帝衣復坐視決乃退太宗曰此真宰相才也云又案參知政事則當日本參議然則取太宗言以為參議之稱号乎但上古宰相者三公之任也以下參與政事人為宰相自隋唐始之

參議者諸臣之中四位已上有其才之人奉勅參議官中政之意也故非正官然而除目任之又例也四任任之者稱某朝臣三位以上稱姓朝臣也

○非正官者參議者議天下政助三公以奔走禁內誠規模官也然無自執掌之職故曰非正官○除目京官除自也秋行之詳于太政大臣下○某朝臣以名書朝臣上也假令正四位下藤原諸嗣朝臣正四位下巨勢野足朝臣類也諸嗣野足名也姓朝臣者以名書朝臣下則姓與朝臣連續假令參議從三位藤原朝臣諸嗣從三位巨勢朝臣野足也凡某朝臣之事限參議四位者也姓朝臣上卜相通也一位以下初位以上皆用姓朝臣是位署之相傳故實也○凡昔姓戶繁多也日本紀天武天皇十三年冬十月更改諸氏之族姓作八色之姓以混天下

萬姓一曰真人二曰朝臣三曰宿衛四曰忌寸
五曰遊師六曰臣七曰遊八曰宿置云又是曰
戶蓋代受寵祿之謂乎句會曰爾雅註郭璞曰
尸寵祿也禮記曰尸謂不知人事無辭讓也以
其尸皆神像居位不言但受祭享小人在位亦
無言而受寵祿有似於尸故云尸寵祿也本朝
傳其姓雖非其人世受寵
祿猶受不言而祭享也

八座者異朝八座其職各別也本朝 聖武天皇

天平三年置參議大同御宇罷參議置五畿七道

觀察使合八人弘仁御宇罷觀察使皆為參議云

○八座通鑑綱目曰八座漢制左右僕射并戶
吏禮兵刑工六部尚書凡八光武分尚書為六
曹并一令一僕射為八座魏以五曹尚書二僕
一令為八座隋唐八座注見唐太宗貞觀十年

留中七日留所奏於宮中七日不報
今按漢成帝初置尚書五人其一人為僕射四
人分為四曹常侍曹二十五曹民曹客曹尚書
各一人後又置三公曹是為五曹後漢五曹六
人其三三公曹二人或說有交曹分客曹為二也
并一令一僕為八座魏以五曹尚書二僕一令
為八座晉與魏同至隋始定吏禮兵刑工六
部集覽以二僕六部尚書為漢制非也以上見
通鑑十正聖武置參議非也公卿紀曰大寶三
七注誤年始置參議天平三年十一月四日
勅始給食封八十戶○大同罷參議同公卿紀
曰大同元年五月廿四日改號為觀察使畿內
七道各一人弘仁元年九月十日復為參議初
任四人云○五畿內一人七人合八人也東海
東山比陸山陰山
陽南海西海也

八人自此而始依之有八座之号任參議有數道

左右大辨并近衛中將有其才者藏人頭及勘七箇國公文受領等是也

○江次第第曰除自參議藏人頭每度關被任非參議大辨近衛中將有年薦者式部大輔為侍讀者五箇國舊吏政亦叶格式散位三位經年勞者○清三位宗元曰七箇國者神皇記七箇國之受領勘合格公文而任參議中習也又一國年限四年七箇國則北八年之受領也但任限事依時代不定雖然大略用四箇年也江次第曰五箇國受領任參議又此曰七箇國受領未知何是○勘公文以一年之租稅國物作狀帖數冊送京如此四年四年共勘定算數成就目勘一任公文也公文者公儀之勘定成就名也一任公文成而又遷他國也如此七箇國而任參議也

已上号見任公卿是也納言以上有封戶職田又每年除自有年給大臣隔年任諸國掾一人納言三年一度任掾一人參議者不在掾但獻五節之翌年給之其外皆給諸國目一人史生一人是分其俸之義也

○以當官曰見任或現任以前官曰非參議但不預朝政之人曰非參議以上者三公以下參議以上也江次第曰大臣以下年給大政大臣目一人一分三人或曰親主每年二合大臣隔年二合左右大臣目一人一分二人大臣或三合任介但未見其例以上隔年二合愚按二合則掾也主稅式曰凡國司處分公廨差法者大上國長官六分次官四分判官三分主典二

日本共外下有每
年二字

分史生一分云譬有目一人史生一人目者二分也史生一分也合此二人為三分三分則祿也是日二合勘文也納言二分一人一分一人四年一度二合獻五節明年不侍巡二合今此書三年一度任掾一人是匡房說相反○參議二分一人一分一人獻五節明年外不參議五臣以下參議以上獻五節明年必二合參議五節二合自安和一年始之蓋以二合公廨為當五節之用途也又納言已上獻五節五年自然當巡年二合者不可申五節二合其故者安和宣旨日自今以後大臣以下參議已上今年獻五節舞姬其明年給殊許二合但納言以上若當二合年巡者止為恒例云或以五節二合為采給追申請之更無謂事也其故者納言每年給二分一人一分一人也以此為二合申巡年給了此外無餘分故也有謂二合勘文三合勘文事合目一人史生一人為二合申三分掾也又合目一人史生二人為三合申四分也永

觀二年二條關白賴忠出二合申文云○封戶職田者賜戶曰封戶人家也職田賜田町事也封戶職田事詳平首卷○年給每年所給之祿也隔年二年一度也言大臣納言各有定年給其外以二年一度或三年四年一度給祿一人是日二合勘文○或問五節者參議常奉之乎曰凡五節舞妓者天子即位則有大嘗會其後奏五節舞妓文德天皇時與大嘗會同月奏五節舞以之可知其前後又非參議奏之凡大臣以下皆奏此姬可依時事也此書言公卿之中參議其位有三公納言下故不克祿給雖然若參議奏五節則翌年給祿也但為當舞姬用度也○五節公事根原云十一月甲申日行之有五節帳臺試於常寧殿主上有御覽也五節舞姬者五人也有參之儀式參內今日曉參座主上出御帳臺殿上人共陪從之主上着御直衣干差貫給事限此時有亂舞有日大歌小歌事寅日有殿上宴水謠朗詠今樣終三獻有亂舞

次第帶香圓北陳向五節所其後參所成耶
曲謠之皇后女院有宴水於御殿之庶有乱舞
昔者年大行之今者大嘗會時行之昔者有日
狩使事今日為給五節所召交野雉等此使曰
狩使卯日者童女御覽召清涼殿抑五節舞姬
之起昔天武天皇御吉野宮彈琴給自前奉天
女天降以羽衣袖五度龍而歌曰云女登母遠
登日佐日壽母波良多摩遠多藻山亦摩幾天
女佐日須母天平十五年
五月正於內裏有五節舞也

准三宮大臣者每年給官爵七即從五位下官乃
掾若內官也如二宮之儀

○准三宮則准后大臣也准后賜年官事太政
大臣良房始乎又東三條入道兼家蒙准三宮
宣旨也○內官者謂三宮之年給太皇太后皇
太后皇后是曰三宮也按大江匡房書曰院三

官內親王女御等皆有年給正月叙位之儀
之西官云自從五位下至正五位下也叙四位
無通例云是給爵之儀也今准三宮大臣年給
與三宮年給同又給官之事匡房說曰除目內
給當年給並未給名替國替等也以上皆袖書
注內給云以上院官給也東宮准后在此中次
任內給當年給掾二人也○有書近江權大
掾正六位上貞朝臣時晴當年內給有越前權大目
從七位上藤井宿禰春武當年內給等類也又大掾
正六位上源朝臣助光皇太后官當是也○華菴曰
准三宮大臣給官爵事給從五位下爵則以其
家人叙從五位下給官掾則以其家人在諸國
也

少納言二人 相當從五位下

○職負令少納言三人掌奉宣小事請進鈿印
傳符進付毛驛函鈿兼監官印其少納言在侍

從負內又讀唐給事中事物紀原曰秦置通典
詔勅宣命職名曰加官也初秦漢別有給事黃
門之職後漢有給事黃門侍郎左右給事中云
唐武德三年改給事郎為給事中漢書百官志
獻帝起居注曰帝初即位初置侍中給事黃門
侍郎負各六人出入禁中近侍惟幄省尚書事
○少納言兼國
多兼紀伊權守

昔者重職也三人必兼侍從拾遺補闕之任也弘
仁御宇置藏人所之後其職掌遷於侍中仍少納
言只掌鈴印等事其職兼大政官中務省也近代
可然之諸大夫任之花族又任之兼近衛中少將
之例有之先者叙四位者避職四位之後帶之又

常事也

○拾遺補闕者職負令中務下曰侍從八人掌
常侍規諫拾遺補闕少納言兼侍從故曰拾
遺補闕之任也拾遺遺忘補闕失即是少事
也云○弘仁嵯峨天皇御宇也法三介宗尤曰
嵯峨天皇弘仁元年三月始以從四位上左衛
門巨勢野足從四位下中務藤冬嗣為藏人頭
又弘仁之時始置此官○侍中藏人也言少納
言職掌遷于藏人也○鈴印鈴驛路鈴上古少
納言掌之今此鈴寶物鈴也又印天子之印判
也此二者少納言令奉行延喜式曰凡下諸國
公文少納言奏請印狀記主鈴印之但勅符并
符等皆納漆簾子主鈴與少納言共預供奉其
馭者左右馬寮充之公式令曰天子神璽國
也內印方三寸五位以上位記及下諸國公文
則印外印方二寸半六位以下位記及太政官

文案則印諸司印方二寸二分上官公文及案
移牒則印諸國印方二寸上京公文及案調物
則印凡行公文皆印事狀物數及年月日並署
縫處鈐傳符鈐數凡給驛傳馬皆依鈐傳符鈐
數事速者一日十驛以上事緩者八驛還日事
緩者六驛以下親王及一位驛鈐十鈐傳符三
十鈐三位以上驛鈐八鈐傳符二十鈐四位驛
鈐六鈐傳符十二鈐五位驛鈐五鈐傳符十鈐
八位以上驛鈐三鈐傳符四鈐初位以下驛鈐
二鈐傳符三鈐皆數外別給驛子一人其六位
以下隨事增減不必限數其驛鈐傳符還到二
日之內送納凡諸國給鈐者太宰府二十口三
閑國各給開契二枚並長官執無次官執凡車
駕巡幸京師留守官給鈐契○萃菴曰鈐印驛
鈐傳符之事久絕而世不行也故今人不知之
先昔有曰勅符官符事以天子命遣勅使於外
國其先少開所自太政官告知之符曰官符初
其勅使持參而行符曰勅符以其勅符通開也

官符者先行符也是傳馬人夫負數事兼以令告
知也驛與傳馬別也驛傳舍也傳馬勅使入用
馬也又大事之勅符有刻符事書木干字以是
刻二一方留禁中一方勅使持參也鈐勅使持
行也禁秘抄鈐後實通俊曰件鈐太有與物也
或六角或八角○少納言掌鈐并印等事也
但少納言太政官屬官也侍從中務省屬官也
故兼太政官中務省者是也○花旗者清花也
閑院中院花山大炊御門是曰花旗又當代西
園寺閑院流也又我者與中院同德大寺閑院
流也今出川者西園寺之流菊亭也三條西三
條正親町四辻滋野河鱸共閑院之流也以上
之家曰清華家○叙四位避職者少納言任四
位則去少納言官四位之後又在少納言又例
也○鈐印愚曰凡驛鈐上書法而親房時已絕
或曰天子證印付鈐故謂鈐印

外記

大二人相當正六位上 近代五位
少三人相當正七位上 唐名外史或門下錄事

○官位令曰大外記正七位上少外記從七位上也。延曆二年五月改為正六上正七上。○職負令曰大外記二人掌勘詔奏及讀中公文勘署文案檢出替失少外記二人掌同大外記云此書少外記三人後加之乎又曰外記書宣旨役也。凡有謂口宣宣旨事天子有命則召藏人宣之。藏人受天子言達之上卿此藏人文案曰口宣也。上卿以口宣達外記外記受之則署曰之宣旨故口宣案之與書藏人唐名春官下曰外名也。又宣旨與書外記名也。
史掌書外令掌四方之志掌三皇五帝書掌達書名于四方云○門下錄事物紀原曰門下侍郎秦官秦有門下侍郎歷代不改與侍中俱管門下衆事凡禁門黃闥故號黃門其官給事於黃闥之內故云唐天寶元年改曰門下。○抄云在黃闥門內錄事故曰門下錄事。

太政官中有三局左右辨官左右大史外記是也

近代左大史兼左右此云官務外記上首此云局務仍今稱兩局也

○左大辨左中辨左少辨此一房左大史掌其房但辨官近習人也重職也故一房事大史知之又右辨官右大辨右中辨右少辨此一房右大史掌之此外外記局合三房也近代左右辨官為一房左大史上薦掌之是名官務合外記房二也故云兩房是近代例也大外記二人之中上薦曰房務也

外記恒例臨時公事除日叙位等事奉行之官也尤為重職近代清中兩家任其職於少外記者彼兩家輩同門生等依器量任之

○臨時者非定式之公事臨時行之也○任官
曰除員授位曰叙位員名也除前官之名記當
任之意也公事根源叙位正月五日大臣以下
著左儀之座行事次著儀所有勸盃之儀式近
比者斷絕次以藏人召諸卿公卿於射場殿取
箱文次第著御前座闕白并執筆因召著圍座
執筆奏十年勞委詳于太政官三公下○除員
公事根源曰正月十一日縣任外官外官者
諸國之司也以田舍曰縣其執筆之大臣參而
著御殿廣此行事申文色々多有之書大間虎
付事執筆大事也家々口傳流々之故實共樣
樣有之大方節會官奏叙位除目此四箇之大
事有職之家為難義又名替國替快浦更任任
符返上等之申文色々不可勝計凡此除目可
知識者以十年學亦難究盡不習先達者何務
乏乎式日自十一日始而十三日而終之景行
天皇時以武內宿禰為棟梁臣是官職之始也
又曰有京官除日秋行之其儀同縣召除日清

中清原中原也凡上古任外記不定其家有才
學之人任之除書曰外記諸道成業者居諸司
者諸司三分二分者任例希有三分助也二分
丞也藏人所出納經坊官出納之者多任之按
古者清中之外撰文才任之大外記善淵愛成
少外記嶋田忠臣等此類多○門生者清中之
門弟也輩者謂同姓
或附屬之者也

辨七人

左右大辨二人

相當從四位上
唐名尚書 左右大丞

○今義解曰左大辨一人掌管中務式部治部
民部受付庶事糾判官內署文案為替失知諸
司宿直諸國朝集若右辨官不在則併行之右
辨官一人掌管兵部刑部大藏宮內餘同左大
辨左中辨一人掌同左大辨右中辨一人掌同
右大辨左少辨一人掌同左中辨右少辨一人

掌同右中辨。○萃菴曰：辨官者，則太政官。丞也。惣而就諸司，以丞訓曰政。人所以丞，則支配其一家事也。故辨官，唐名曰尚書。假令謂內藏察，則內藏丞事也。呼內侍，則掌侍事也。曰尚書省，則太政官也。曰尚書後漢百官志：尚書六人，尚書則辨官也。○六百石本注曰：成帝初置尚書四人，分為四曹。注：蔡質漢儀曰：典天下歲盡集課事。○秘笈新書曰：尚書秦時少府遣吏四人在殿中主發書，故謂之尚書。漢初因之。武昭以後，其任稍重。成帝建始四年，置尚書五人，一人為僕射，而四人分四曹。掌圖書秘記。○左右大丞事，物紀源曰：左右丞，秦置尚書丞一人。漢成帝建始四年，置四人。光武始減其二。分左右佐令僕之事。唐以來，在尚書之下。宋朝官制改置在上。又為執政官。

官中事大辨所執行也，仍為重職。名家譜第輩殊。

依清撰在之華族，中有才名之輩，參議之時，兼之為規模無文才，入不居之乎。

○名家者，勸修寺葉室日野南家式家管江大福寺等也。當代廣橋烏丸柳原并露寺万里小路中御門等皆名家也。○清選者，選其人意也。清選二字出于杜通典。○花旗清花也。○官中太政官也。

左右中辨二人 相當正五位上 唐書尚書

左右少辨二人 相當正五位下 唐名尚書

○左右中丞事物紀原曰：中丞御史大夫有兩丞。一曰御史丞。一曰中丞。初學記曰：秦官漢因之。謂之中丞。以其別在殿中掌蘭臺秘書外督部刺史內領侍御史。故云成哀間更名御史長。

史光武復為中丞○司郎中階煬帝即位尚書都司初置左右司郎一人副左右丞唐又置員外郎諸司号為都公唐書百官志云天后永昌元年置左右司員外郎各一人也

名家譜第任之多者先補五位藏人乃任辨也藏人帶之頗清撰也○任辨任中少辨也

近衛中少將中有才名之人遷任辨官或兼之又為規模矣○辨官指大辨乎

五位辨叙四位之日去其職者也近代多叙留又中辨者多分四位也少辨者多分五位是近來之例也又中少辨之間權官一人必任之仍謂之七

辨○五位中少辨等叙四位夫辨官也而至近代雖叙四位不去辨官故叙留叙留叙留叙留官之儀也

凡尚書者管轄之任權衡之職也尤可撰其人上

象七星故也又漢朝尚書郎親近之官也仍口含

鷄舌香手握蘭故此云握蘭之職也

○管轄者肝要之儀也車軸頭鐵也說文曰車鍵也○權衡按戴象釐賀注尚書啓云聞望權衡北斗之司云則出于此又曰權重衡平所以任權而均物平輕重也○象七星歷代事實尚書王之喉舌猶天北斗注代宗大曆四年詔詩云仲山甫王之喉舌皆尚書之佐李固疏曰陛下有尚書猶天之北斗為天喉舌尚書陛下之喉舌○七星則北斗也○握蘭應邵漢官曰尚

書郎伏奏事與黃門對揖跪受故稱尚書郎懷香握蘭趨走丹墀又古今原如曰前漢宣帝賜鷄舌香凡侍臣奏事恐氣觸至尊故賜鷄舌香以含之欲香氣上達也香出西國順和名云鷄舌香南州異物志云鷄舌香者草花之可含香也杜律集解注曰漢尚書郎含香握蘭云

史八人

左右大史各二人

相當正六位上

○一日佐官一日作官一日曾官三點之訓按云匡房說訓佐官見任大臣所又古今集序訓甲斐廿少官以二思之和歌書可訓廿少官乎今此職原抄皆佐官可然也此以下錄屬令史目志主典皆可讀佐官之訓者也○職負令左大史二人右大史二人左少史二人右少史二人左史生十人右史生十人○史亡次第曰除月式部錄民部錄勘解由主典檢非違使道

志。歷文章生居諸司者諸道成業者等任史中古以來小槻之家傳之

大都會事物記

中古以來小槻宿祢為一史行官中事謂之官務

多是五位也其餘彼一族及門徒等依與量任之

凡官務者大政官文書悉知之樞要之重職也小

槻氏稱祢家宿禰之儀也

○姓氏錄曰每仁天皇皇子捨知別命之後也○一史左大史也門徒或未流之者又錄者家人之中有器用俊秀者也宿祢尸字也

左右少史各二人

相當正七位上

近代六位唐名尚書主事

已上謂之八史

○尚書主事事物紀原曰主事二漢有之漢光祿勳有南北庭主事范遷光祿主事是也後魏於尚書諸司置主事今史階煬帝去今史名但曰主事云

史生二十人

唐名行署

大臣以下判授之職也居其職者多轉史但小

魏氏輩不補之門徒等補之

○職負令有左史生十人右史生十人○華菴曰太政官史生書記官中細事人也○行署唐官也有內行署外行署

官掌四人 唐名掌國

○華菴曰官掌神祇官有史生官掌於諸寮曰寮掌於諸司曰司掌於八省曰省掌各皆知其一家雜事人也○職負令曰左官掌二人掌通傳訴人檢校使部守當官府應事鋪設右官掌二人掌同左官掌又左使部八人右使部八人左直丁四人右直丁四人

類也

太政官被官也大辨以下判授之凡諸官有長官次官判官主典也假令太政官大臣為長官納言為次官少納言辨為判官史為主典也餘可准之

太政官長官行節會任之納言已下主典以上者除目任之史生官掌者判授官也然而太政官者其寄異他仍史生官掌猶為重職

○官掌者太政官被官也太辨以下判任之判授者不奏天子大辨以下批判而任之也諸官指八省百官而言也長官則頭也次官助也判官丞也主典錄也曰之四分一切之官皆四分有之矣此太政官為四分則三公頭也納言助也但太政官三公行節會任之任大臣節會納言已下八史以上者除目任之但秋除目也史生官掌者不奏天子大辨以下撰而任之雖然太政官者其職掌異他諸官故史生官掌雖判任人以重之也○萃菴曰大臣節會之事曰之任大臣節會又曰片節會大臣節會無諸司

奏故曰片節會當代不及節會而內七被任大臣也○凡任大臣節會者奉勅任大臣時行之月日不定也正判授可為判任今人曰判授是見于江次第誤流俗之謬乎按選叙今日凡內外五位以上勅授內八位外七位以上奏授外八位及內外初位皆官判授又任官大納言以上左右大辨八省卿五衛府督彈正尹太宰師勅任餘官奏任主政主帳及家令等判任舍人史生史生諸司史生也非太政官史生使部伴部帳內資人等式部判補愚曰叙位曰授陞官曰任今史生官掌官也故可為判任也

後解云皇太子傳友位高於七省令故准為勅任○公武令曰凡授位任官云云

職原抄引事大全卷之二



